

DE
ARBORE BONA,
ANTICHRISTO,
INTERCESSIONE
Diuorum, deque Ie-
iunio, & mortis
Dominicæ
Die.

Authore Geor. Vuicelio. *Ejusdem auctoris*

Inuentionis.

et

De moribus Ve-
terum Hæreticorum:

Anatomie corpo-
ris Politici au-
toris Joanne
Michaelis



PARISIIS,

.a. AA.

Apud Guilliclmum Chaudiere, via
Iacobæa, sub Temporis insigni.

1564



CATHOLICO LECTORI

SALVTEM A SERVATORE

CHRISTO.



INT sanè amicorū omnia com-
munia, modò germani amici si-
mus, modò Erinny ac Aten
amicitiæ pestes arceamus. Quis-
que, quod habet candore Chri-

Furiam &
violētiam

stiano in medium conferat, ut hinc membra
mystici corporis mutuū ædificemur. Verūm
caligo tempestatis huius, perquam horrida hor-
rendā ve est: & nostri homines non delectu
aut sapientia (ut M. Tullij verbis abutar) ad
iudicandum ducuntur, sed impetu, nonnun-
quam & quadam etiam temeritate. Quæ res
facit, ut verear ne hæc, quæ simplici animo
& de Republica Dominica optimè merēdi stu-
dioso, in communionē non Platonis, sed Christi
edimus, iniusti æstimatores Ecclesiæ dogma-
tum, authoris odio $\mu\omicron\lambda\alpha\ \chi\upsilon\upsilon\iota\kappa\omega\varsigma$ præmor-
deant. Sed istorum scelus si Ecclesiæ calamum
cohibere potest, quis porrò scribendi laborem
subibit? Cedemus malis? Fugabunt nos proten-
sorum aqualiculorum inanes crepitus? Parum
viros istos sentio, quos tamen sat scio nobis iū-
cturos dextras, si eos tam exerceret theologia

valde ca-
ninè

GEORGII VICELII

COMMENTARIOLVS

de Arbore bona.



D R O P O N I S discu-
 tiendum locum de ar-
 bore & fructu suo. Ais-
 scutum esse Luteranæ
 gentis, nēpè oportere
 arborem prius bonam
 esse, quàm ferat bonos fructus: & incon-
 ueniens esse, vt si quis arbori præcipiat
 de ferendo fructu, ipsam enim vltro fer-
 re, &c. Rectissimè dixit Tertullianus cō-
 tra Hermogenē, videlicet hæreticis mo-
 rem esse, simplicia quęque torquere. Re-
 ctissimè de iisdem Irenæus, nempè scri-
 pturas quidem confiteri eos, interpreta-
 tionē verò peruertere. Dominus Iesus,
 quem magistrum sequimur, non Deum
 & seruatorem tantum credimus, dele-
 ctatus adprimè est arboris similitudine:
 idque non nouè, quando quidem pro-
 phetis familiarissimum fuit, ab arbore
 ducere similia. Ea verò similitudo vt
 perspicua cuius est, ita minimè ferendū,
 si hac ad fingendum, adstruendūque

Tertull.
Mos hære-
ticorum.

Irenæus.